

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPŠTINSKI SUD U SARAJEVU
BROJ: 111/19
Sarajevo, 08.03.2019. godine

U IME FEDERACIJE BOSNE I HERCEGOVINE

Opštinski sud u Sarajevu, i to sudija HH, kao sudija pojedinac, uz sudjelovanje zapisničara EE, u krivičnom predmetu protiv optuženog SS, zbog teškog krivičnog djela teška tjelesna ozljeda iz člana 177. stava 1. KZ F BiH, postupajući po optužnici Kantonalnog tužilaštva Sarajevo br. KT-222/10 od 08.02.2019. godine, nakon održanog ročišta za izdavanje kaznenog naloga u prisustvu Kantonalnog tužioca OO i optuženog lično, dana 08.03.2019. godine donio je i javno objavio:

P R E S U D U

OPTUŽENI: SS, sin V i majke Đ, rođene C, rođen 18.08.1981. godine u Sarajevu, po zanimanju moler, bez zaposlenja, Bošnjak, državljanin BiH, nastanjen u Sarajevu u ul. Lokve br. 4. neosudjivan, ne vodi se drugi krivični postupak.

K R I V I J E

Što je:

Dana 08.07.2018. godine u Sarajevu, u ugostiteljskom objektu "VOZ" koji se nalazi u ulici Trg cvijeća broj 5, fizički napao VV, udarajući ga metalnom stolicom u predio glave, kojom prilikom je isti zadobio tešku tjelesnu povredu u vidu impresivnog prijeloma čeonke kosti sa lijeve strane.

Čime je počinio krivično djelo teške tjelesne povrede iz člana 177. stav 1. KZ F BiH,

pa mu sud, na osnovu odredbi člana 350. ZKP F BiH, izdaje:

KAZNENI NALOG

Na osnovu odredbi člana 60. i 62. Krivičnog zakona F BiH, optuženom
i z r i č e:

USLOVNU OSUDU

Kojom mu se, za počinjeno krivično djelo teške tjelesne povrede iz člana 177. stav 1. KZ F BiH, utvrđuje KAZNA ZATVORA U TRAJANJU OD 6 (ŠEST) MJESECI i istovremeno određuje da se ista neće izvršiti ukoliko optuženi u roku od 2 (DVIJE) godine dana od dana pravosnažnosti ove presude ne počini novo krivično djelo.

Na osnovu odredbi člana 202. stav 1. ZKP F BiH, optuženi se oslobađa naknade troškova ovog krivičnog postupka i isti troškovi padaju na teret sredstava ovog suda.

Obrazloženje

Kantonarno tužilaštvo Sarajevo optužnicom br. KT-222/10 od 08.02.2019. optužilo je SS, zbog krivičnog djela teške tjelesne ozljede iz člana 177. stav 1. KZ F BiH. Podignutom optužnicom Kantonarno tužilaštvo predložilo je ovom Sudu na osnovu odredbi člana 350. Zakona o krivičnom postupku F BiH, da prema optuženom izda kazneni nalog, izrekne uslovnu osudu, utvrdi kaznu zatvora u trajanju od 6 (šest) mjeseci i istovremeno odredi da se kazna neće izvršiti ukoliko optuženi u roku od 2 (dvije) godine dana od dana pravosnažnosti ove presude ne počini novo krivično djelo.

Sud je potvrdio optužnicu i zakazao saslušanje optuženog.

Na ročištu za saslušanje optuženog, istom su predloženi dokazi koje je kantonalni tužilac prikupio tokom prethodnog postupka, na koje dokaze optuženi nije imao primjedbi. Optuženi je izjavio da priznaje krivnju za počinjeno krivično djelo i da prihvata predloženu krivičnu sankciju u optužnici. Sud je izvršio uvid u materijalnu dokumentaciju koja je prezentovana tokom postupka saslušanja optuženog. Optuženi u potpunosti priznaje izvršenje krivičnog djela i navodi da se sve desilo upravo kako je navedeno u optužnici, te da ne bi imao bilo šta dodati. Na osnovu svih izvedenih dokaza koje je sud cijenio pojedinačno i uzajamnoj vezi, sud je utvrdio da je optuženi počinio krivično djelo za koje se tereti, na način, u mjestu i vremenu kako je to opisano u optužnici.

Ovakvu konstataciju sud zasniva na potpunom priznanju optuženog, ta na dokazima koje je Tužilaštvo dostavilo sudu u okviru ovog predmeta i to:

- zapisnik o saslušanju svjedoka VV, svjedoka P P, AA,
- nalaz i mišljenje vještaka sudsko medicinske struke Dr. XX od 9.07.2018.,
- izvještaj o povredama za HC broj 12-115/18 ,
- nalaz biološkog vještačenja broj: 03/1-09 od 10.07.2018., zapisnik o uviđaju broj: KU:3397/10 od 08.07.2018.

Imajući u vidu gore navedene dokaze sud smatra utvrđenim da su se u radnjama optuženog stekla sva bitna obilježja bića krivičnog djela teške tjelesne ozljede iz člana 177. stav 1. KZ F BiH, odnosno da je optuženi na način, mjesta i vremena kako je to navedeno u izreci ove presude, u ugostiteljskom objektu "VOZ" u ul. Trg cvijeća br. 5. metalnom stolicom udario u predjelu glave oštećenog VV koji je zadobio tešku tjelesnu povredu u vidu impresivnog preloma čeonke kosti sa lijeve strane kako je jasno utvrđeno nalazom i mišljenjem vještaka sudsko medicinske struke XX, koji nalaz je dat na osnovu objektivne medicinske dokumentacije Klinike na neurohirurgiju od 08.07.2018. Dakle, optuženi je drugog, u ovom slučaju oštećenog VV teško tjelesno povrijedio, na koji način su se u radnjama optuženog stekla sva bitna obilježja bića krivičnog djela teške tjelesne ozljede iz člana 177. stav 1. KZ F BiH, za koje krivično djelo sud je optuženog oglasio krivim, izrekao uslovnu osudu predloženu od strane Tužilaštva.

Odlučujući o vrsti i visini predložene krivične sankcije, sud je od olakšavajućih okolnosti na strani optuženog cijenio da se radi o mladom čovjeku koji do sada nije krivično odgovarao, što je sud utvrdio uvidom u izvod iz kaznene evidencije MUP-a Kantona Sarajevo od 24.2.2019. godine, priznanje počinjenog krivičnog djela, iskazano kajanje, ne nalazeći pritom otežavajuće okolnosti na strani istog. Ocjenom svih okolnosti, težine djela i optuženog kao učinioca tog djela, sud cijeni da u ovom slučaju nije bila neophodna vremenska kazna zatvora imajući u vidu intenzitet opasnosti izvršenog krivičnog djela i optuženog kao učinioca, opravdavaju zaključak da se krivičnopravna zaštita može obezbijediti upozorenjem uz prijetnju kaznom zatvora

utvrđene uslovnom osudom u uvjerenju da će se i uslovnom osudom u konkretnom slučaju postići njena svrha predviđena odredbama iz člana 60. KZ F BiH.

Na osnovu odredbi člana 202. stav 4. Zakona o krivičnom postupku F BiH, sud je optuženog oslobodio naknade troškova vođenja ovog krivičnog postupka i odlučio da isti troškovi padaju na teret sredstava ovog suda, jer je optuženi nezaposlen i ne ostvaruje materijalna primanja.

Zapisničar,

EE

S U D I J A

HH

POUKA: Protiv ove presude dozvoljena je žalba Kantonalnom sudu u Sarajevu u roku od osam (8) dana od dana prijema presude, putem ovog suda u dovoljnom broju primjeraka za sud i stranke.

Na osnovu člana 246. stav 3. Zakona o krivinom postupku Federacije Bosne i Hercegovine, Kantonalni tužilac Mostar D. H., osumnjičeni Z. J., sa ostalim ličnim podacima kao u optužnici Kantonalnog tužilaštva Mostar broj: _____ od _____, te branilac osumnjičenog T. I., advokat iz Mostara, zaključuju slijedeći

S P O R A Z U M

O P R I Z N A N J U K R I V N J E

Član 1.

Optuženi Z. J. priznaje krivnju za krivično djelo teška tjelesna ozljeda iz člana 172. stav 2. u vezi sa stavom 28. Krivičnog zakona Federacije Bosne i Hercegovine, učinjeno u vrijeme, u mjestu i na način opisan u potvrđenoj optužnici Kantonalnog tužilaštva Mostar broj: _____ od _____ godine.

Član 2.

Kantonalni tužilac Mostar je saglasan da Općinski sud Mostar optuženom Z. J., za krivično djelo iz člana 1. ovog Sporazuma izrekne kaznu zatvora u trajanju od 4 (četiri) mjeseca.

Član 3.

Optuženi Z. J. saglasan je da mu za krivično djelo iz člana 1. ovog Sporazuma izrekne kazna zatvora u trajanju od 4 (četiri) mjeseca.

Član 4.

Potpisujući ovaj sporazum optuženi Z. J. potvrđuje da je, nakon što je upoznat sa sadržajem optužnice, izjavu o priznanju krivnje iz člana 1. ovog Sporazuma dao dobrovoljno, svjesno i sa razumijevanjem, te da je upoznat o mogućim posljedicama vezanim za

imovinskopravni zahtjev koji je oštećeni postavio u iznosu od 8.000,00 KM i za troškove krivičnog postupka koji do sada iznose 520,00 KM.

Član 5.

Isto tako, potpisujući ovaj sporazum, optuženi Z. J. potvrđuje da je da razumije da se zaključenjem sporazuma o priznanju krivnje odriče prava na suđenje i da ne može uložiti žalbu na krivičnopravnu sankciju koja će mu se izreći.

Član 6.

Ovaj Sporazum zaključen je u Mostaru, dana _____, u šest istovjetnih primjeraka od kojih tužilac, optuženi i njegov branilac zadržavaju po jedan primjerak, dok se ostali primjerci upućuju sudiji za prethodno saslušanje Općinskog suda Mostar na dalji postupak.

Optuženi

Branilac

Kantonalni tužilac

Z. J.

. T. I.

D. H.